

فی ۲۳ محرم سنہ ۳۲۷ و فی ۲ شباط سنہ ۳۲۴

جمعیت علمیہ اسلامیہ نیک ناشر افکاریدر

مدیر مسئول

سر محرر

صاحب امتیاز

محمد فطین

فائز مجیز درساملرندن

فائز مجیز درساملرندن

مصطفی صبری

نہری احمد افندی

مندرجات

اسلامیت و مدنیت جلیلہ		حدی		اعلام شرعی		حسن فرید
سیاست شرعیہ		ابن حازم فرید		ادبیات		
شرق و غرب		حسین حازم		یادگار		خلیل ادیب
تاریخ		طاہر الاولوی		مرحبہ بیت		نوح
حررۃ الوقتی		م علی		متفرقہ		
اساس تربیہ		احمد توفیق		قرعہ امتحانتری		
وظیفہ اسلام		عمود کمال				

نسخہ سی ۵۰ پارہ در

استانبول، ایچون	۷۵	برسنہ لک	۷۵	غروش	
الن آبلنی	۴۰				
آبونہ اجرتی		ولایت ایچون	۸۵	غروش	
			۴۵		
ممالک اجنبیہ ایچون		فرانق	۱۸		
			۹.۵		

درج ابدلیان اوراق اعادہ اولناز

قارئین مراد :

اکثر مقالاتہ آیات کریمہ واحادیث نبویہ درج ایدلش بولندینی نظر اعتبارہ آلتہرق رعایتسز لکدہ بولنلمامی
رجا اولتور .

سیاست شرعیہ

۱۲

سرقۃ تعریفی - حرکۃ اقسائی - غصب الہ سرقۃ
آبری آبری شیل اولدی بی - اصولک فروعدن و فروعک اصولدن
وقوع بولان سرقۃلرندکی احکام قانونیه و شرعیہ - زوج
الہ زوجۃک یکدیگرندن سرقۃ - عدت و عدد طلاؤک بوخصو
صدۃک تأثیری - افتراق اموال وابدان - حقوق عمومیه
وخصصیهک یکدیگرندن فرق - مال مسروقۃک مملک و بداندله
بولغسی صورتلری .

سرقۃ بر مکان محرزدن خفیۃ بر مالی اخذ ایتمکدر
مجرمه جزای سرقۃک اعطاسنده مال مسروقۃک مکان
محرزدن اخذی شرطدر . فقط احرار از ایکی درلو اولور
بری محافظه ایدیلان اموال و اتمۃنک خانه دکان کی
مکان محرزده بولغسی ایکنجه سیدۃ محافظ الہ محرز
اولمیدر .

مقاله منک برنده سولدی کمز اوزره بر سارقۃ
صفوان بن امیهنک انائی نومده باشنک الله قوبدینی
ردائی سرقۃکی که جزای سرقۃ اجرا ایدلش ایدی
دیغک اولیور که ، حرز یا کندنده موجود بر معنا
یا خود حافظ مال اعتبار الہ در . مثلاً انشای راهده
برکیمسهنک زنده کی اشیائی اخذ ایتمک سرقۃدر .
صاحبنک نام و مستقیق اولمده فرق یوقدر .

سرقۃ الہ غصب یکدیگرینه قاریشیدر بلاملیدر .
چونکه غصب ، مجلهنک تعریف ناقصی اکمال الہ
دینله بیلور که . برکیمسه اذن اولمقسنین مقوم و محترم
مالی جهرأ صاحبنک یدینی ازاله و باقصر ایدر صورتله
اخذ و ضبط ایتمکدر .

بزم قانون جزا « غصب » تعریفی هیچ بر ماده
سندۃ قولاً تمامشد . یالکیز ۴۵۲ نجی ماده سنده
« نهب » تعبیری وارد که ماده مذکوردهنک سیاق افاده سی
حدیله غصبه حمل اولنه بیلور .

کرک عبارات شرعیهدن و کرک قانوندن استدلال

اولدیغنه نظراً سرقۃ ، اموال و نقولیه مخصوص اولسی
اقتضا ایدیسور . حالبوکه جزا قانوننک ۲۲۷ نجی ماده -
سندۃ برکیمسه خرسزلق ایتمک ایچون نفریق املاک
علامتلیرنک برلینی دکشدیررسه جنجه درجه سنده
مجازات کورسور . شدی شوماده قانونه نظراً ایکی
کشی بیننده مشترک برترلا اولوبده تقسیم و هر برینک
حصه سی علامت فارقه الہ نفریق ایدلکدن کصکر طرفندن
بری دیگرینک ملکنندن برینی توسیع مقصدیله علامت
فارقه نی تحویل ایدرسه بوماده یه توفیق قومی متجاوزه جزا
ویره چکر . یوقسه بوغصب اراضی اولغله متجاوز
علیهک محاکم حقوقیه مراجعتله حقوق مدنیه منزه کوره
احقاق حق ایتسی می لازمدر ؟

قانون جزا شارحلری بوماده نی برچالقی دکل بلکه
اشیا چالقی مقصدیله تبدیلی علامت معناسنه آلمشیر
ایسده ادعایری صرف توهمات فکریه به مستند و نص
قانونه مخالفدر . چونکه عبارۃ قانونیه کی (دکشدیررسه)
صیغه سندن بوتحولنک برشی چالقی معناسنه آلمشی حکمت
حقوق اسلامیه به عدم وقوفدن نشئت ایدر . زیرا ،
تحویل ، برشی ، بر مکاندن نقل الہ مکان آخرده اثباتدر .
شوکا نظراً علامت فارقه نی تبدیل ، توسیع اراضی
مقصدینه مستدر . اگر واضع قانون « برکیمسه نفریق
املاک علامتلیرنی تجاوز الہ خرسزلق ایدرسه » دیش
اولسیدی قانونه شرح بازانلرک بوصورتله تأویلات
و تماشائی خوش کوره بیلوردک . بناء علیه بومادهنک
حسن صورته افراغی آرزو اولنور .

*

جزا قانوننک ۲۱۶ نجی ماده سی موجبنه اصولک
فروعدن فروعک اصولندن وزوج الہ زوج برلکده
اولدقلمری و یا یکدیگرندن مفارقت ایدلکاری حالده
یکدیگرینه عائد مالی سرقۃ ایدرلرسه جزا کورمنلر .
شوقدر که قانون تکرر نی جرائم اعتیادیه دن عد ایدرک
جزا و پرر .

سیاست شرعی به کانه ، اصولاً فروعدن و فروعک
اصولاً دن رذی رحم محرمین و بینارنده قرابت سببیه
بوانسان زوج ایله زوجینک یکدیگرندن وقوع بولان
سرقتلرده قطع یدک عدم جوازی تصریح اولمکنه یعنی
شرع ، قانون ایله متجدددر .

بزم شرق حقوقی مسئلهنی ، مسائل مستأخریه
سببیت و برهه دعوایی سورونجمده برامق ایچین
تفصیل ایدیلور . شوبله که : رضاعاً اولان صهریتلرده
یا لکن رضاعاً اولان آنانک مالی سرقته جزای
سرقنک اعطایی مختلفه ایهده اما رضاعاً قرداشدن
وقوع بولان سرقته جزا لازم که چی تصریح ایدلشد .
برکیمسه بر قادیندن اشیا سرق ایدوبده بده
اوقادینی زوج ایتسه اگر هنوز - کم حاکم لاحق اولماش
ایسه جزا لازمکله چی مسئلهسی متفق علیه اولوب
اما حکم حاکم لحوقندن صکره تروج وقوع بولمش ایسه
جزانک لزومی جهتی مختلفه ایهده صبح اولان
عدم لزومیدر .

زوج ایله زوجیه بینده سرق و قوعند صکره طلاق
صورتله افتراق وقوع بولمش ایسه نه جزا لازمکله .
چونکه جرمک وقوعنده زوجینک قیامی کافیدر .
عدت ایچنده وقوع بولان سرقتلرده اجرای مجازات
لازمکله ایهده عدت طلاق نظر اعتباره آلمسی
لازمدر .

اگر اوج دفعه تطلیق ایش ایسه بوسورتده تکرار
زوجینک بیلرنده قیامی مستحیل اولنله جزای سرقنک
اعطایی لازمدر .

قانونک « اعتباری » نظر اعتباره آاسی بن العائله
امینک منسلب اولماسی فکرینه مستند ایدوکی ظاهردر .
فقط کرک شرح کرک قانونک درجه سی بیان
ایتدیکی اقربا بینده کی سرقتلرده جزا ویرمه سنده کی
مقصدی مال ، أخوذك حرزنده شبهه عارض اولوب حدود
ایسه شهادت ایله منفی اوله چی ایچونددر .

قانون جزایه شرح بازانلردن بعضیلری زوج ایله
زوجه طلاق ایله افتراق ایشدکاردن صکره یکدیگرینک
مالی سرق ایدرلرسه جزا کوره چکیرینی صورت
مطلعهده بیان ایشلر ایهده یوقاریده تفصیلاً بیان
ایدلکمز اوزره عدت ایچنده اولماسی لازمدر . شو
قدرکه طلاق نله اولورسه عدتده نظر اعتباره آلتماز .
اما عدت ایچنده طلاق رجعیده مراجعت و طلاق
کنایه وایندنه تحجید نکاح امکان داخلنده اولنله ناموس
عائلهنی صیانته جزا ویرلمسی لازم و فقط مناسبات
زوجینک عدم اعاده سی کی رحال وقوعنده بسبتون
جزاسز برافنده اولمه چقندن قانونک تعریفی درجه سنده
بر جزا اعطا اولنه بیلور .

ینه اوشرحده دیلور که ، « متن قانونک زوج
وزوجه حقنده بیان اولنن مفارقت ، نکاح باقی اولدینی
حاله طرفینک برسبب ایله آیریلشلرینه معطوف اولوب
بو آیریلیق زمانلرنده وقوع بولان سرقتلر - حقنده اولنه حق
معامله ینه بوماده حکمنه تطبیق اولور . » بو شارحک
افاده سنده نظراً اولان مفارقت بین الاسلام بر نتیجه اغبرار
وباعدم حسن امتزاج صورتلرنده تصور اولنه بیلور .
یوقسه قید نکاحک فسخی و مخالفه صورتلرنده دکلدر .
چونکه فسخته نکاح قالیب چی کی مخالفه صورتلرنده
دخی وقوع بولان افتراق طلاق باشن اولنله احکام سابقه
جریان ایدر .

اما فرانسزلرک Séparation de corps دیدکری
افتراق مادی و یا خود S.de corps et de biens دیدیلان
تفریق اموال و ابدان بزده اولدیفندن بوجهت آنجیق
تبسمه عنایه بدن اولوبده بیلرلنده افتراق مادی
جاری اولان غیر مسلملر حقنده عین ماده نک تطبیقی
ضروریدر . چونکه بوسورتله افتراق طلاق divorce
دکلدر . بونلر آری آری احکامه نایمدر .

علم حقوتده خصوصاً حقوق جزایهده یدلولاسی
اولان والیوم عدلیه نظارتی محاکمینک برنده ریاست

صندالیه سنده بولنان بر ذات قانون جزایه باز دینی شرحنده
« آخرت اولادی ایله پدرینک یکدیگر نیدن » وقوع
بولان سرقت افسالیده اشبو مادهیه تطبیقاً مجازات
قانونیدن مستننا طوتشددر ؟

بزده (Adoption) دینیلان اولاداق مسئلهسی
فرانسه قانونی کی اولدیفندن آخرت اولادلقلر فرعدن
معدود اوله مازلر. وبوکی اولادلقلرک منسوب اولدقلری
طائله ایله مناسبات صهریه لری اولماقله « حرز » حقنده
شبهه عارض اوله مبعجی طبیعیدر. اوصورتده عجیبا نه
فکره مبددرکه بونی بوماده حکمنه ادخالده منفعت تصور
اولنشددر ؟

بزه قالیرسه اولاداق مسئلهسی حقنده کی فلسفه شرعییه
عدم وقوف سیئهی بوکا سبیت ویرمشدر.
یقیننده بو آخرتلك اولاداق مسئلهسی حقنده کی
فرانسه قانونی احکامبله بزم شرق حقوقی مقایسه
ایده جکم.

*

*

موضوع بحثمز اولان ماده قانونیه دن اکلا دیغمزه
کوره بونوع سرقتلرده اعطای مجازات بالکن اعتیادله
مشروط اولوب مال مسروق استهلاک اولنهرق تضمینه
سارقله مقتدر اولماهی دخی شرط قلنمقددر. زیرا
عبارت قانونیه ده، مال مأخوذ صرف واستهلاک اولنوب
آخذ دخی تضمینه مقتدر اولدینی وکنندوسی ماده
سرتقی اعتیاد ایتمش بولندینی حاله، حبس جزاسله مجازات
بیان ایدیلور. بناء علیه مال مأخوذک استهلاکی تقدیرنده
آخذ تضمینه مقتدر ایسه ضهان لازمکیبورکه سیاست
شرعیه مزده دخی بویه در. « تأسیس انظار ویاخوذ
روح حکمت حقوق اسلامیه » نامیه دردت طبع
اولان ارمزک قسم نامنده تفصیلات واردر.

معلمدرکه، حقوق عمومییه دعوا سنک اقامه سیله
اعطای ایدیلجک حکمک تنفیذی حقوق شخصییه مانع
دکدر. بعضاً جزا حکمه سی حقوق عمومییه ایله حقوق

شخصیه بیده حکم ایدر بعضاً حقوق شخصییه محاکم
حقوقیهده آریجه اقامه اولنهرق تحت حکمه آنور.
نه صورتله اولورسه اولسون حقوق عمومییه نك تنفیذ
واجراسی حقوق شخصییه مانع دکدر. مثلاً بر سارقل
جرمی ثبوت بولدینی تقدیرده نوع ودرجته حرمه نظراً
اعطای ایدیلجک مجازات قانونیه ایله مال مسروقکده
موجود ایسه مسروق منه اعطاسنه وستهلاک ایسه
تقدیر قیمت اولنهرق بدلک محکومدن تحصیلله مدعییه
اعطاسی تحت قراره آنور.

سیاست شرعییه کلنجه، سارقی حقنده سقوق
عمومییه متعلق جزا حکم ایدلدکده مال مسروق موجود
ایسه صاحبنه رد اولنور.

چونکه حقوق جزاییه ده اولدینی کی فلتنه
شرعییه ده دخی حقوق عمومییه ایله حقوق شخصییه بیننده
اسماً، عملاً، سبباً، مقصوداً فرق واردر.

اسماً فرق واردر. زیرا بری حق الله ینی حقوق
عمومییه دیگر کی حق عید ینی حقوق شخصییه در.

عملاً فرق واردر. چونکه بریک عمل اجرایی
قطع ید و قانونده ثبوت بولان نوعه نظراً وقت، مؤبد
کورک ویا حبسدرکه دولنجه حبسخانه اتخاژ اولنان عملده
بولندیرلقل صورتله اولور.

سبباً فرق ایسه حقوق عمومییه دن مقصد عبرت
وژنه و هیئت اجتماعیه نك تقریر آسایشه خدمت دیگر کی
ایسه شخص متضررک حقوقی وقایه ایله مال مسروق
کندیسنه اعطای ایتکدر.

مقصوداً فرقه کلنجه، برنده زجر مقصود دیگرکنده
آخذ معلولدر. [۹]

بناءً علیه بونلر یکدیگر نیدن آری آری شیر اولماقله
برینک استفسارندن دیگرینک استغافی لازمکلز.

[والد ارق والدارقة الخ] آیت کریمه سنده کی قطع

[۱] کشف بزدوری به باقی

— شرق ، غرب —

(مابعد)

لکن دقایق بین شرق ، اورتیه فیلاتیلان مسأله‌نک
هانکی منبع معرفت و فضیلتدن ترشح استدیکنی همان
ایلاک نظرده ادراک و یقین ایدرلر . یالکزنام و عنوانک ،
شکل ظاهرنک تبدل ویا نظر فرب برنک اکتساب
ایتمسندن اساساً مالک و ذی‌الید بولندقلری محمول
اجتهاد مسبقولربی تشخیص ایدممه‌مک کبی موجب‌شبن
برحالدن ، برقیصه کوته بیناهدن کشندیلربی ترقیه
وظیفه مجبور بیله کورورلر .

شرق ، آرتق اوقدر خصیصه انتقادی‌دن ، قوه
تمیزدهن محروم و بی نصیب‌سدرکه او بدیع فروشلرک
تصنیعات ایاغفرنی بولسون ؟ ذاتاً غربک حیلله کارلنی
روح سیاست ، آب آجق برصورنده تدویر استدکلری
دولاب تحکم و تعرض لازمه عدالت تلقی استدکلربی
واوته‌دنبری اس حرکتلربی بوکی نظریات فاسده
اوزربنه قورددقلربی ، تجارت عیدیه ایله ادراک و تحقیق
ایلمشدر .

اخطار ایدرمک :

۱. انتقادخانه دماغدن ترشح ایدرمک ساحه بیضای
قرم‌ساده و کوان شو قطرات حقیقت ، اکثریت طرفین نظر
اعتباره آلتقی اوزره وادی قیاس و منظره‌یه جریان
ایدیور .

ولو نزد خصماده اولسه بیلله حقیقتی تسلیم ایتمک
قاعدّه منظره احکامندن ، حقیقت‌پورلرک ایجاب‌اندندر .
اوت ! بزده اعتراف ایدررکه بوکون غربده جداً
عجب حقیقت و عدالت ، منصف ، حکم ، فیاسوف ،
شاعر ، ادیب ذوات فاضله موجوددر . لکن نه فائده
افکار عامه ، آرای حاکمه حالا براز یوقاروده عرض
استدیکم نظریات مدخوله کر یوه‌سنه صایمقدن قوروتولا .
مامشدر .

بدک اجراء بیله ضایک عدم انتقامی خصوصنده کی
مناقشاده تنویر مدعا به الدلر .

واقعا آیت مذکورده « قطع ید » مطلق اوله‌رق
بیان ایدلش ایسه‌ده معرض عقوبانده جزا ، اطسلاق
ایلدیکی تقدیرده افعال عباد مقابانده کی حقوق عمومی
نک وجوبی مقصود و مطلق کائنه مصروف اولمغه صرف
حقوق عمومی‌نک کمال تنفیذی آکلاشلمقده ایسه‌ده
بولندن حقوق شخصی‌نک انتقامی لازمکدنز .

بوسبیلله مبنی احکام فقهیده قطع جزایی اجرا
ایلدک کدن صکره مال مسروق ید سارقده ایسه صاحبه
رد اولسه‌جنی و کذلک آتی آخره بیسوع و هبه ایش
اولوبده ید نالنده عیناً موجود ایسه ینه صاحبه رد
ایلدیله‌جکی بیان ایدیلور .

چونکه مال مسروقده صاحبک تصرفی باقیدر ،
حتی مجازاتک تنفیذندن صکره ارساده ینه رد اولور .
چونکه حقوق عمومی‌نک اجرائی صاحب مالک ملکیتی
ازاله ایده‌منز .

فقط تفصیلات واقعه مال مسروقک موجودیتنه
معطوف اولوب اگر مستهک ایسه ضامن لازمکلیه‌جکی
بیان ایدلمکده ایسه‌ده بعض ائمه حقوق ، بو صورتده
دخی ضامناً اعطای حکمی التزام ایلمشدر .

لکن حقوق عمومی‌یه اجرا اولنوبده بعده مال
مسروق استهلاک ایدلش ایسه صاحب مال ایچون تضمین
ایتدیرمک حق و واردر . [۱]

ایشته بورایه‌قدر تفصیلاً تشریح استدیکم‌ماده
قانونیه مال مسروق موجود اولدنی تقدیرده تضمین
ایتدیریور . « مابعدی وار »

تمیز جزا دائرهمی ضبط کتبه‌سندن
این حازم : فرید

[۱] ولو قطعت بدالسارق ثم استهلك المال غیره کال
صاحبه ان یضمن المستهلك . جوهره